

# БИЧГДҮДИН ХУВЦН ГАРГЪЛГЪН ИКДҮЛГДХМН

Бичкдүдин хувцн икәр, олн-зүсәр, чинринь ясрулдж гаргъхин тускар КПСС-н Централн Комитет болн СССР-н Министрмүдин Совет токтавр гаргъв.

Промышленности болн селәнә эл-ахун делгрлтд лиил-врмүд кўцсн учрар, сүл джилмүдт промышленн өлг-эд кедж гаргългън зөвәр икәр өсв гидж токтаврт келгддженә. Тер бийнь, зәрм зүсн эл-таврар амтнә кергллгън, ода чигн кўтц теткдәд уга. Нег улү бичкдүдин хувцдин зәрм зүснь ода чигн тату-тартг. Амтнә кергллгънг кўтцднь теткхин эркд мана промышленность бичкдүдин хувц гаргългънг

өбрхн хоёр джилин эргцд икдүлдж чадх аргъта гилж КПСС-н ЦК болн СССР-н Министрмүдин Совет тоолджацхана.

Токтаврт иигдж темдглгддженә: 1958 джилд, бичкдүд умсг госн-ботинк ядхдан 149,5 сай пар, эс гидж 1957 джилд гаргъгдснас 27,3 процент икәр гаргъгдхмн, пинеткс—5,8 сай пар, өбмси—310 сай пар, өлг-мр дотр хувцн—130 сай, өлг-мр деерк хувцн—55 сай гаргъгдхмн, бас тер мет, бичкдүдин уя хувц гаргългън, урднь батлгдсн зурагъас нег миллиард арслнь икәр гаргъгдхмн. 1959 джиләс авн эклдж, бичкдүдин хувц гаргългънг

икдүлгънг зурад орулхиг, союзн республиксин Министрмүдин Советд эн токтаврар даалгъгддженә; 1958—1959 джилмүдт хувц уйдг 22, хувц өлгдг 18, госн-ботинк уйдг 34 предприятие шинәс тосхгдлж, урднь бәәснь ясгдлж икдүлгдхмн. У л-б у л г ъ а р кедг заводмудин кўчиг икдүлдгин аргънь хәәгддженә.

1958 джилд хувц уйдг, өлгдг, госн-ботинк гаргълг промшленностин предприятиес тосхлгънд капиталн тәвц кедж орулдг мөнъгиг 195 сай арслнь өсгхмн гилж токтаврт келгддженә.

Бичкдүдин хувциг олн-зү-

сәр, сән чинртәгъәр кедж гаргългънур залгдсн кесг төрмүд токтаврт темдглгдв.

Олн-әмтиг бичкдүдин хувцар кўтцднь теткхин туск торт ик чинр өгч, КПСС-н ЦК болн СССР-н Министрмүдин Совет, бичкдүдин хувциг кергтә олн-зүсәрнь хулдлгънд орулхиг кўцхин кергт тәвсн даалгъвриг дун уга кўцәтхә гидж союзн республиксин компартъсин ЦК-д, партин крайкомст болн обкомст, республиксин Министрмүдин Советст, кўч-көлсчирин депутатрин крайсин болн областсин Советсин кўцәгч комитетст заавр өгцхәв.

(ТАСС).